



Sėmuons Daukonts 1793 –1864 metų. Pinings. Dailininks Gintals Petros

(Atkelta iš 9 p.)

1927–1928 m. dërba muokituojo Kauna „Aušruos“ bernioku gimnazėjuo, 1929–1931 m. – Šiauliū muokituoju semėnarėjuo. 1931–1938 m. dërba žurnalisto ivairiuos redakcėjuos. 1936–1940 m. redagava žornala „Jaunaliuvių vadovas“, 1937 m. bova ELTA's Vėdaus inpormacėjės skīriaus redaktoriuos, vo 1938–1939 m. – Lietuvuos prezidėnta A.Smetuonas sekretorios. 1939–1940 m. dërba laikraštė „Lietuvos aidas“ redaktorio, 1941–1942 m. – Studėju biurė. Parėngė dokumentini veikala aple sovietini teruora Lietovuo 1940–1941 metās. 1944 m. tas veikals bova pasiūsts i Švedėjė, vieliau – i JAV veikusi Kerstena komiteta.

1943–1944 m. dërba dienraštė „Ateitis“ Kultūras skīriaus redaktorio.

Bėngontėis Ontrājem pasaulėnem karou, 1944 metās,

pasėtraukė i Vuokītėjė. Tėn isėtraukė i lietoviu kultūrėnė veikla, redagava i Vakarus pasėtraukusiu lietoviu leidėnius „Radijo žinios“, „Mūsų viltis“ ėr kt. 1946 m. Hanau atkūrė Lietuviu žurnalistu sājunga, 1946 m. bova išrinkts Lietuvuos žurnalistu sājungas vicepirmininko, vo 1947–1953 m. dërba tuos draugėjės valdības pirmininko.

1949 m. parsikielė gīventė i Jungtėnės Amerikas valstėjės (JAV). Će dërba „Vienībės“ laikraštė ėr keliū kėtū leidėniū redakcėjuos. Nu 1924 m. kultūros klausėmās sava straipsnius skelbė daugiau kap 50 laikraštiu ėr žornalu. Liub pasėrašiniėtė tėik sava pavardė, tėik ėr slapīvardės (A. Mikaitis, A. Dangerutis, A. Daugėliškis, A. Vaidotas A. D-tis, A.Kaributas, A. N. ėr kt. Iš vėsa ĩr paskelbės daugiau kāp 3 000 straipsniu. Parašė apībraiža aple S. Daukanta ėr M. Valančio, pjesiu, radėjė vaidėnėmu. 1948 m. redagavo jubileeju skėrta kninga „Vydūnas“, parašė monograpėjė aple Vīdūna (dar neišleista). A. Merkelis leida „Lietuvių tremtinių žinias“.

1964 m. Niujorkė Amerikas lietuviu tautėnė sājunga išleida A. Merkelė kninga „Antanas Smetona: jo visuomeninė, kultūrinė ir politinė veikla“.

A. Merkelis mērė 1994 m. sausio 11 d. Flušingė (Niujorks, Kvinsa rajuons). Palaiduots Kaunė.

2007 m. sausė 24 d. – kuova 24 d. Kaunė, KAVB rūmūs (K. Duonelaitė g.) veikė paruoda „Bibliuograps“, aple katrou mažā kou žėnuom: Aleksandros Merkelis“.

ŠETKOS STEPUONS

Šetkos Stepuons gėmė 1912 m. Telšiūs. Šeimuo auga 7 vākā. Ons nu mažumies bova dėdlė aktīvos ėr kūribings. Telšiūs bėngė pradiuos muokīkla, dvė gimnazėjės klasės. Paskiau muokies Paneviežie, Kaunė. Onkstėi neteka tieva, tā pragīvenėmou toriejė pats užsėdėrbtė. Bėngės gimnazėje, išėjė i privaluoma tarnība



Kauns. Sungailienės Loretas portėgrapėjė

